

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 2755 del 06/10/2021**

**Traduzione in mòcheno**

## **Euregio, s ist anaugaleik kemmen der Rot van Gamoa'n**

**En pfinsta af de 30 van leistagest, en de òlt stòtt van minz va Hall in Tirol hòt se gahòltn der earste To van Gamoa'n van Euregio, en beil as der president van Euregio Günther Platter troffen hòt gamecht der president va de Autonome Provinz va Poazn ont der President va de Autonome Provinz va Trea't, ont dòra de presidentn van vraischòftn van gamoa'n van drai lander ont vil pirgermoastern van Euregio aa, ungefer 160, zbischn de beiln 60 sai' van Trentin gaben.**

A stòrcha zòmmòrbet zbischn de Gamoa'n van drai lander ist noat ver en verpesser van Euregio Tirol, Sudtirolo ont Trentin. Hait vònk u' nou a sterchera zòmmòrbet, ont nou mear a lenkera, van Gamoa'n ont van vraischòftn. En de glaiche zait, men stellt vour de partner as schoa' sai', ont as hèlven schelletn abia model ver de òndern Gamoa'n, ont s Rot van Gamoa'n van Euregio aa. Durch en de Gamoa'n, men ist no za tea' nou mear schaug za ziachen no de lait as lem en Euregio, ver dòs de drai toaln van lònt barn òlbe nou zòmbòcksen en a europeische seal. Dòs ist bos as tsòk hòt der president Platter.

Der president van Sudtirolo hòt aa unterstrichen de bichtekait van Gamoa'n ver de zòmmòrbet zbischn de stòttn, ont hòt derklort as abia klea'nestn amministrativsticker, de Gamoa'n versichern za sai' glaim en de lait. Ont s glaim stea' en de lait ist bichte, asou abia de sai' zòmmòrbet aa, vern Euregio. Ver dòs men billt as de Gamoa'n zòmmòrbetn iber de grenzn van Stòtt ont as de se integriarn en Euregio. De Gamoa'n barn asou an plòtz sai' bou as men sechen bart de ausònderhait va de europeische òrbet, hòt tsòk zan leistn der sudtiroler president.

Der president va de autonome Provinz va Trea't hòt derklort as auleing der Rot van Gamoa'n van Euregio ist a bichtega naiekait van Gect bavai s doi s tuat verglaimern de neat van lait van drai lander as toalnemmen. De Gamoa'n sai' der earste kontakt ver en sèll as keart s òllgamoal'lem ver de lait, s sai' der motor van gamoa'schòftn ont bou as zuakearn òlla de nochrìcht as kearn en. S ist an bichtegen tritt ver ber as lep en Tirol, Südtirolo ont Trentin meing zòmmòrbetn pet de gamoa'n ver za mòchen guat envire gea' der Euregio, hòt er unterstrichen der president van Trentin.

Abia schòftn hòt men tschbunnen za òrbetn zòmm en an stòrchen vurm asn Euregio ont haier, ver en earste vòrt, der to bou as men vaiert de Tiroler gamoa'n bart kemmen u'tsòk abia to van gamoa'n van Euregio, hòt er unterstrichen der president van Tiroler gamoa'schòftn.

S hòt es tsòk der president van Südtiroler gamoa'schòftn aa, as men bill versterchern de zòmmòrbet zbischn de gamoa'n, ver za unterstützn der Südtirolo en an europeische verpesser van Euregio. Der earste To van Gamoa'n van Euregio as s ist kemmen augatu' ist an bichtegen u'vong ver en Rot van Gamoa'n van Euregio, hòt er garift za song.

Ver en president van trentinische Gamoa'schòft, de doi ist an bichtegen to as heift u' de zòmmòrbet zbischn de Gamoa'n van drai lander van Euregio. De zòmmòrbet turch de grenz ist runt bichte zbischn lander as no

glaichen se ober as vil ònderst aa sai', ober benns s richtege bèrt kimmp en gem mechets an guatn sozial, birtschòft ont va de umbèlt verpesser hom. Drinn en doi nai be as iaz u'vonk barn drinn sai' bichtege projektn bou as barn toalnemmen de lait van Euregio, hòt er unterstrichen.

Der heacheste toalnehmer ist gaben der president van europeische Komitat van Regionen Apostolos Tzitzikostas as hòt unterstrichen abia as bichte barts sai' de Europa as glaimert se en de lait as lem sa, ont van doi trèff "schick ber de nochrìcht en de 27 Lander va de Ue as ber meing zòmmòrbetn ver za versterchern de Europa".

### **Anaugaleik der Rot van Gamoa'n van Euregio**

Der nai Rot van Gamoa'n van Euregio ist kemmen anaugaleik en To van Gamoa'n van Euregio as hòt se gahòltn en vourder pfinsta: der ist gamòcht va vinf lait an iat oa'n van Tirol, van Sud Tirol ont van Trentin, ònt nou a mentsch van gamoa'n van òlt Tirol va Cortina d'Ampezzo, Col ònt Livinallongo. De gamoa'n van òlt Tirol de sai' kemmen drinnpòckt en de Provinz va Bellun en 1923, s ist s stuck gaben van ladinische amministrativourtn as de hom vortganommen van Balschlònt. De hauptòrbet van Rot van Gamoa'n van Euregio ist sèll za song a recht bourt en de drai provinzal presidentn iber òlls sèll as hòt za tea' pet en Euregio Tirol–SüdTirol-Trentin iber sèll as ist de òrbet van gamoa'n oder as de hom za tea' pet sei.

### **Euregio guatkemmenpilder ver de Gamoa'n**

Ver za lòng sechen as menn sait van Euregio, s pilt va guatkemmen van Euregio ver de Gamoa'nist kemmen vourstellt en To van Gamoa'n van Euregio. Der ist tschrim en zboa sprochen ònt der hòltn drinn de hauptsòchen van gamoa'n, van ourtn ònt gor van Euregio. Ver òlla de sèlln gamoa'n as de hom abia partner a gamoa' en oa'n van zboa stòttn van Euregio, bart kemmen tschrim de na'm ont de stempln van gamoa'n as sain abia partner. Zan paispil Hall en Tirol, hòt drinn de zboa gamoa'n, Brixen ònt Arco. Zòmm pet de partner van stòtt van sòlz va Hall, de naia gamoa'partner Lans-Montan ònt de zòmmòrbet van gamoa'schòftn van NordWipptal ònt SudWipptal sain kemmen vourstellt To van Gamoa'n van Euregio.

### **De Toalnehmer van Rot van Gamoa'n van Euregio:**

#### **Tirol:**

Pirgermoaster va Schwendau  
Pirgermoaster va Telfs  
Pirgermoasterin va Hall en Tirol  
Pirgermoaster va Sölden  
Pirgermoaster va Innsbruck

#### **SüdTirol:**

Pirgermoaster va Paozn  
Pirgermoaster va Selva Val Gardena  
Pirgermoaster va Monguelfo-Tesido  
Pirgermoasterin va San Martino en Passiria  
Pirgermoaster va Varna

#### **Trentin:**

Pirgermoaster va Trea't  
Pirgermoasterin va Rumo  
Pirgermoaster va Frassilongo/Garait  
Pirgermoasterin va Riva del Garda  
Pirgermoaster va Ville di Fiemme

**Toalnehmer van gamoa'n van òlt Tirol:** der viarer van Ladiner Kulturinstitut Cesa De Jan.

(cdt)

